

張忠烈公集

奇零草五目次

張忠烈公集卷八

七言律詩三

答紀石青年丈乙未

其二

王師北發草檄有感

其二

七夕同諸子限韻

寄懷徐闇公年丈

一紀

秋風

即事有感丙申

馬爾毓不應幕府辟召

夢中得句集侯秋蟲偏解語失途老驥亦長鳴意
似有感起而成之

舟次三山

壺江即事

其二

重登幕港天妃宮

哭定西侯墓

重到羊山憶舊與定西侯維舟于此

送陳立之還閩

中秋同賓從小飲步朱夏夫韻

其二

除夕

元旦駐師秦川 丁酉

舟山感舊

其二

其三

其四

元旦 戊戌

聞行在所遣使至營宣諭有感

其二

徐闇公入覲行在取道安南聞而壯之

其二

得家信有感

其二

寄金二如兼訊朱建武

送客還里門

海上觀燈限刪咸二韻

其二

五月既望行營恭祝監國魯王千秋有感

冬懷

其二

其三

其四

其五

其六

其七

其八

閏元宵限鹽韻己亥

春江花月夜值微雨限韻

春雨望茅舍炊烟限六魚韻

白燕次友人韻

得徐閣公信以交行詩見寄

其二

聞貴陽失守

會師東甌漫成

師次觀音門

師次蕪湖時余所遣前軍已受降

師入太平府

姑熟既下和州無為州及高淳溧水溧陽建平廬

江舒城含山巢縣諸邑相繼來歸

驛書至偏師已復池州府

師入甯國時徽郡來降留都尚未克復

閒行雜感

其二

賦得相逢俱是歲寒人

新安溪行

寄宿石塘菴與居人道定西侯往事

濱海居民聞余生還咸為手額且以壺漿相餉余

自慚無似何以得此輿情也

索居島上童子折梅來獻喜而有賦

其二

冬末立春用杜韻

除夕

奇零草五目次

奇零草五

張忠烈公集卷八

皇朝賜諡忠烈明督理恢勦機務察稅浙直水陸兵馬兼理糧餉兵部尚書兼東閣大學士鄭張煌言撰
七言律詩三

答紀石青年丈 乙未

秋雲一片自蒼涼
千里鴻心對夕陽
蘭蕙年來宛自雪
蒹葭露下正為霜
驚開尺素干戈淚
賦得聯珠襟袖香
解道安危關出處
可能無意掃天狼

其二

十年心事半江湖
浮泊真同五石瓠
多難交游渾陌路
至尊警蹕尚泥塗
已知世態供談虎
豈為微名重憶鱸
早晚封題通動定
報余旌旆指勾吳

王師北發草檄有感

似聞天地悔瘡痍片羽居然十萬師走檄故嫌阮瑀拙
射書正覺魯連遲凡中但說明三表麾下甯忘試六奇
要識遺民垂涕處當年司隸有威儀

其二

期門取次出貔貅首路軍聲胡騎愁何獨止戈非廟算
還應聚米足邊籌嚇蠻事往疑虛語諭蜀才窮媿老謀
自古殊勲歸躍馬幾人談笑得封侯

七夕同諸子限韻

淡淡明河帶露痕驚秋長自問天孫斗間槎到應非誤
壁上梭停且莫論興至正須浮玉斚愁多何必弄銀盆

年年此夜傷離別獨有西風識故園

寄懷徐闇公年丈

洛下仙舟不可尋長因秋水憶橫襟雲翔閩嶠誰高枕
楓冷吳江獨抱琴歧路行藏空扼腕亂流聞見倍關心
萼絲千里猶無恙那得君來共醉吟

一紀

一紀戎衣有寸塵到來江漢只孤臣龍編未達劉琨表
蛟島空存豫讓身甑墮妻孥甯復惜劍懸朋友更誰親
頻年慚負蒼生望敢向桃源別問津

秋風

長為秋風惜羽翰年來八翼夢中看呼牛翻覺人情媚

歌鳳深疑物論寬末路勳名難自料他鄉親友強為歡
祇應一曲高荆筑唱徹蕭蕭易水寒

即事有感 丙申

久已浮萍寄此身倦遊何意轉風塵即看蓬鬢難逢世
況到灰心懶應人一旅尚堪扶共主百年誰肯鑒孤臣
也拚海峽投簪去自有桐江足釣緇

馬爾毓不應幕府辟召

何勞帷帳惜前籌司馬於今已倦遊但傲自知無媚骨
得閒還許且科頭雙扉斜日眠黃犢一榜兼雲伴白鷗
只恐存亡猶有恨莫教沈醉過西州

夢中得句云集候秋蟲偏解語失達老驥亦長鳴

意似有感起而成之

一枕新涼夢自清
詩魔偏向睡魔生
從來物態蜉蝣似
未必人情蝴蝶輕
集猴秋蟲偏解語
失速老驥亦長鳴
世間何限榮枯迹
底事通人眼劇明

舟次三山

每擁旄旌欲淚潛
萍踪無奈又三山
才非命世空沈族
事尚因人亦強顏
猿鶴秋深悲別岫
魚龍夜舞泣間關
途窮未就行藏計
華髮朝來已半斑

壺江即事

倦飛無路且投閒
滄海人來第幾灣
真覺壺中留日月
猶疑畫裏對江山
飄流蛋戶還相笑
偃蹇柴門長自關

閩越波濤千里闊那能有夢寄刀環

其二

壺天乍可一枝安畏壘危機轉自嘆駭浪扁舟輕似葉
重圍匹馬跳如丸創深已信傷弓數痛定應愁捲土難
但使胡塵終隔斷餘生猶足老衣冠

重登募港天妃宮

羣山依舊枕滄洲風雨蕭然雜暮愁梅蕊經寒香更遠
松枝帶燒節還留荒祠古瓦興亡殿絕壁迴潮曲折流
身世已經飄泊甚何如海外有浮鷗

哭定西侯墓

牙琴碎後不勝愁絮酒新澆土一杯杯冢上麒麟那入畫

汀前鴻雁已分傳，如君遺恨猶瞠目。似我孤忠敢掉頭。
來歲東風寒食節，可能重到剪青楸。

重到羊山憶舊與定西侯維舟於此

海國天空一柱撐，重過畫鷁似逢迎。雙牙舊憶聯翩駐，
八翼新看跳盪行。化去鸞旂難入望，分來龍劍尚孤鳴。
羊山亦有羊公淚，片石應同峴首名。

送陳立之還閩

鷺江一別榻空懸，滄水槎來意惘然。君較虎頭原獨步，
我甘龍尾尚高眠。天聲到處憑揮羽，國恥談間欲置鉛。
若問歸帆何所載，祇應圖得越山川。

中秋同賓從小飲步朱夏夫韻

壽若秋高賦壯遊開樽此夜景金收坐來爽氣原蕭散
醉後清光可拍浮拾桂不妨同着屐傳柑何惜且擎盃
年來戎馬真塵夢坐嘯輸君已一籌

其二

盤空雕鷲恣天遊極目雲霄淚未收幕下風流名自擅
樓中月滿興誰浮行厨玉糝無兼味促席金莖更一甌
佳客莫須嫌草具欲從樽俎問前籌

除夕

亂後年光似客郵每逢蠟日越生愁傷心繞樹猶三匝
屈指浮槎已一周國事存亡關正閨人情冷暖逐春秋
銜杯却問東皇信應為催花出嶺頭

元旦駐師秦川丁酉

閩國旌旗越國船春風奚倖到江天未能捧日真虛歲
且復占雲似往年辛苦椒盤一紀後衰涼菱鏡二毛先
夜來見說旄頭闇拂拭吳鉤競祖鞭

舟山感舊

孤雲兩角委漁磯極目滄桑事已非隔浦青燐相拚映
傍溪紅雨自霏微檣烏轉逐危舟宿社燕空尋舊壘飛
獨有采芝人尚在天荒地老不知歸

其二

十洲三島憶登攀烟火仙原半闌闌豈意晉陽仍禍水
枉傳越絕有神山荒城睥睨眠還立虛殿采恩廢莫關

誰與海翁爭地主到來卻讓白鷗閒

其三

江皋烽盡燼猶紅獵火歸然滿故宮樓閣總隨蜃氣散
鼓鼙迸入角聲空田橫島上淒涼月杜若洲前零落風
翹首靈光何處是五雲應復捧南中

其四

島嶼微茫兵甲殘千年碧血恨漫漫空村人跡疑毛女
野寺僧閒說漢官獨喜亡秦三戶在翻憐興夏一成難
只今漲海胡塵裏莫作當時天塹看

元旦 戊戌

扶曦初拂上枝寒曙海春回歲月寬塞柳江梅看次第

朱旗兮鉞影闌干獨驚馬齒垂垂長却把魚腸細細看
要識嵩呼南極近而今天未是長安

聞行在所遣使至營宣諭有感

傳聞使節下祥刑天語銜來識聖波南國衣冠猶似昔
北門鎖鑰竟如何時危還說依銅馬道阻徒勞想玉珂
料得楓宸能燭遠黃麻紫綈不須多

其二

頻年東國賦無衣百越依然守六飛彤管幾曾參講幄
弓戈空復仗戎幃時余官少司馬兼學士徵師已審皇情重掃境
猶慚臣力微從此羣公須努力星軺到處即天威

徐闇公入覲行在取道安南聞而壯之

益部星文紫氣躔遙知雙鳥去朝天孤臣白髮還投闕
真主黃衣尚備邊五嶺折衝春瘴癘九溪舊闢漢山川
旌旗如在昆明裏好說中原望凱旋

其二

萬里行朝古夜郎從龍敢復憚梯航使車合浦愁風黑
賈舶交州怯日黃白馬侯王今異姓青牛令尹久炎荒
多君不負溫劉約玉佩先歸銅柱旁

得家信有感

漫向空閨問別離年來翟第已難期失林應惜飛蓬早
出獄仍悲曳綯遲豈為留賓還斷髮聊因佞佛故低眉
天涯亦有刀頭夢恰是塗山化石時

其二

浪跡何如五嶽遊。尚平累在轉生愁。佳兒天幸猶完卵。
弱女人憎似宿瘤。敢望童烏能接武。祇令老蚌自含羞。
故園倘有歸來候。最好沙頭趁野鷗。

寄金二如兼訊朱建武

越絕衣冠已入胡。年來故老盡瞻烏。吹簫江上虹誰變。
栖甲山中月自孤。似我鬚眉還戴漢。多君姓字欲逃吳。
羣豪獨有朱家在。猶向西京結客無。

送客還里門

鑑湖揮手十年餘。里社誰尋舊草廬。今日相逢皆後乘。
高風端不為長裾。臯比暫向龍門設。麈尾聊從虎帳舒。

惆悵君歸當雨雪故園梅信復何如

海上觀燈限刪咸二韻

島嶼微茫午夜間魚龍曼衍出塵寰
蘭缸射水翻星漢蓮幕傳烽破玉山
香擁虹橋千里外芒寒蜃市九霄間
遙憐歌舞長安地銀鑰今宵自不關

其二

極目滄波明鏡函火珠獨見燭龍銜
蛟人夜貢珊瑚樹雲母春開錦繡帆
金谷未須誇富貴瑤池應不隔仙凡
自來三五傳柑勝豈惜霞觴付酒監

五月既望行營恭祝監國魯王千秋有感

寥落吹臺望紫宸上觴此日正千春
乾坤縹緲靈光殿

江漢滌汨黯黹津一自玉興蒙霧露遂令金鑑轉風塵
可憐節下遙稱祝獨有瑤池舊從臣

冬懷

故國多陰沍未開蕭條景物總堪哀龍蛇蟄伏天方屈
草木凋殘地亦災禿節誰留蘇武窖名流幾上李陵臺
賓鴻獨解朝宗義依舊隨陽渡海來

其二

九邊鎖鑰斷胡烽醪曠先朝費歲供猾夏已無秦塞險
防秋豈復漢家封黃河凍解應回馬碧海揚欲起龍
寄語金微多舊戍草枯蓬折為誰從

其三

鍾山紫氣隔黃塵石馬金鳬倍愴神
縮酒不聞供楚子藏冰空憶典凌人
雲寒輦道橫瓊帳火照臺城卧鍊輪
賸有孤臣依漢臘海天何處答明禋

其四

滇池洱海拱行畿玉輅遙巡正式微
薏苡林間屯組練桃榔花底度旌旗
中朝夢遠難歸節大澤寒深少賜衣
矯首嶺頭春信好南枝爭似北枝稀

其五

清角悲笳思黯然長因滄海問桑田
越王臺榭風雲暗禹會冠裳日月鮮
黃屋建時曾割據朱弓受罷亦依遷
只今冷落蛟螭窟雪夜徒吟兔苑篇

其六

樓船戈甲自羣雄
指顧扶桑可挂弓
豈意空填精衛水
頻年猶御石尤風
田橫避去偏多客
徐市歸來恐似翁
見說斗杓回北陸
敢將消息問蒼穹

其七

何須南國更招魂
甌脫江山幾處存
豫讓有身還未漆
要離無族已先燔
最憐燕子來孤島
獨負梅花到故園
縱使鬚眉仍健在
炎風朔雪不堪言

其八

朝曦慘淡夕飈寒
痛飲豪吟且自寬
萬里孤槎真汗漫
十年長劍總蹉跎
先鞭未許終輸祖
前箸何妨借報韓

安得三塗還帶礪卻令百越盡衣冠

閏元宵限鹽韻 己亥

每惜春宵未可淹天留倒景上元添
燈毬前度何時再
簫鼓平分此夜兼
靈雨故遲桃李候
香風仍入柳梅
不愁曉箭相催急
只恐金吾令已嚴

春江花月夜值微雨限韻

春光何處不迷離
江月江花帶雨時
玉暈浮波千萬里
檀痕浸水兩三枝
人行濠濮清輝濕
天入滄浪翠靄奇
若使扁舟乘夜去
暗香疎影更相宜

春雨望茅舍烟烟限六魚韻

江村烟雨復何如
野外人家雲外居
松葉蒼茫春杜曲

杜近

茆檐清迥古秦餘
水雲半入漁樵宅
烟火堪傳風俗書
最愛陰晴剛社日
銜泥小燕傍精廬

白燕次友人韻

燕燕何來素質稀
寒光曉幙正熈微
銜泥自合栖銀蒜
掠水分明曳綺衣
月滿空梁偏失影
雲封舊壘倍生輝
羽毛自愛天然種
不傍尋常王謝飛

得徐闇公信以交行詩見寄

天南消息近成虛
一卷新詩當尺書
誰看墜鷺偏擊擢
似聞鳴犢竟迴車
蠻夷總在天威外
越雋應非王會初
讀罷瑤篇還涕淚
行吟何獨有三閭

其二

瘴海誰堪汗漫行知君五月在舟程
鯨人鼓鬣驚濤暗鳥兔含沙宿霧生
溫嶠已乖歸闕望張騫徒負泛槎名
武陵溪畔桃源客故節依然蘇子卿

聞貴陽失守

百粵河山已自愁
播遷此日更堪憂
方傳檣柁從南竄
豈意橈槍自北流
險阻莫能關象郡
炎荒何處割鴻溝
一成賴有滇雲在
捲土誰為借箸籌

會師東甌漫成

甌越江聲動鼓鼙
霸圖南北尚難栖
誰為揖客稱司馬
獨將遊兵似水犀
箸借自來非為漢
琴操猶恐未工齊
十年種蠡成何事
敢向人前說會稽

師次觀音門

樓船十萬石頭城鐘阜依然拱舊京
弓劍秋藏雲五色旌旗夜度月三更
中原父老還扶杖絕塞山河自寢兵
不信封侯皆上將前茅獨讓棄繻生

師次蕪湖時余所遣前軍已受降

元戎小隊歷江關面縛長鯨敢逆顏
吳楚衣冠左袵後蕭梁城郭暮笳聞
王師未必皆無戰胡馬相傳已不還
寄語壺漿休怨望懸軍端欲慰民艱

師入太平府

天驕取次奉冠裳幾輔長驅鐵櫓櫓
王業昔誰開采石伯圖古亦起丹陽

太平府即丹陽

即百年禮樂還豐鎬一路雲

霓載酒漿此去神京原咫尺龍蟠虎踞待重光

姑熟既下和州無為州及高淳溧水溧陽建平廬
江舒城含山巢縣諸邑相繼來歸

干將一試已芒寒赤縣神州次第安建業山川吳帝闕
皖城戈甲魏軍壇東來玉帛空胡虜北望銅符盡漢官
猶憶高皇初定鼎和陽草昧正艱難

驛書至偏師已復池州府

赤羽飛馳露布譁銅陵西去斷悲笳橫流錦纜窺三楚
出峽霓旌接九華歌吹已知來澤國樵蘇莫遣過田家
前驅要識王師意劍躍弓鳴亦漫誇

師入甯國時徽郡來降留都尚未克復

千騎東方出上游天聲今喜到宣州威儀此日驚司隸
勲業何人愧徽侯舊關烽烟須蚤靖新都版籍已全收
遺民莫道來蘇好猶恐瘡痍未可瘳

閒行雜感

鑣幢纔解又芒鞋姓氏達人且自理夜踏巉巖驚伏虎
朝披霧露避羣豺乾坤蒼莽投金潁徑路蕭條阻玉階
贏得風衣兼雨帽相看不似舊形骸

其二

一椎可柰誤秦車蕭瑟秋風圯上書伏匿那能忘鑣馬
潛遊猶覺負銀魚荒村雲擾難欹枕單袷霜深已敝裾
總是姓名隨地變任呼牛馬亦何如

賦得相違俱是歲寒人

相逢俱是歲寒人，遲暮偏驚搖落辰。
鴻雁接天關塞影，漁樵滿地雪霜身。
論交四海慚兄弟，抗節千秋泣鬼神。
此日炎趨應不少，道旁裘馬正紛紛。

新安溪行

曲曲溪流面面山，青峰千折水千灣。
山亭擁霧遙疑塔，水碓舂雲巧作關。
越榜下灘雙槳疾，吳鹽到界一帆閒。
却看兩岸楓林晚，似送離愁照客顏。

寄宿石塘巷與居人道定西侯往事

漢臘誰留十五年，琴亡島嶼尚蒼然。
野人偏愛甘棠樹，義士猶吟華屋篇。
海有浮鷗憐後死，村無鳴犢憶前賢。

奇零草六目次

張忠烈公集卷九

七言律詩四

元旦駐師林門

庚子

新正二日坐雨島上

贈張書紳還錢塘

愁泊

上巳春懷

春晚

重過桃渚

復屯林門

中秋有懷

歲暮得蔣馭鴻信兼見其新製寄贈

其二

卜居

步韻和曹雲霖浯島秋懷

其二

島上祀竈

辛丑元旦清麻十八年矣

辛丑

送黎大行南訪行在

見友人詠懷詩有感依韻和之

其二

春島霧雨次壁間舊韻

雨中寒甚再疊前韻

維揚姜張二友浮海來訪賦贈

偽廷即事

春暮悵然有作

輓董天鑑孝廉

其二

得徐闇公書為之喟然

愁心

寄張書紳時聞在越

莫指

南國

黎大行瀕行以途窮為恨賦詩見示仍用前韻報之

三月十九日有感甲申之變

其二

其三

除夕行營沙關

元旦軍次仍行祝聖之禮

壬寅

得故人書至自臺灣

其二

元宵舟次步賓從韻得魚字

驚聞行在之變正值虜廷速余親屬痛念家國何

能已已

和中峯韻題友人畫像

傳聞閩島近事

感懷兼悼延平王

愁思

喜從弟至兼寄中表

張書紳與范子瞻論余十餘年來戎馬勞苦孤危
以詩見贈讀之悵然因次其韻

其二

次韻酬林荔望

元旦甲辰

悲憤

其二

奇零草六目次

奇零草六

張忠烈公集卷九

皇朝賜諡忠烈明贊理恢勦機務察視浙直水陸兵馬兼理糧餉兵部尚書兼東閣大學士鄧張煌言撰

七言律詩四

元旦駐師林門庚子

中華正朔古相傳永祚於今十四年
玉几南荒新日月
聞乘輿與播遷金戈北道舊山川
春來水逐桃花漲
去年老人憎柏葉
先猶幸此身仍健在擬隨斗柄獨回天

新正二日坐雨島上

纔望晴雲布歲朝漸來仙嶠雨
蕭蕭山烟繚繞蒼堪滴
海氣模糊白欲飄撥悶屠蘇隨意醉
滯寒楫拙逐時燒
故人天際誰相問總為春風尚寂寥

贈張書紳還錢塘

歸棹蕭然向虎林論兵十載愴知音千金散盡仍彈鋏
四海交空且碎琴戶牖陰謀天地忌夷門奇計古今深
風塵何處躬耕好垂老還為梁父吟

愁泊

蕭風苦雨逐潮來慘淡危舟倍足哀身比偃僂長似曲
心疑混沌不知開海翁蜃蛤遂相餉山鬼椰榆且莫猜
往事分明堪擊筑浮生那得數銜杯

上已書懷

九十春光強半空今朝禊事媚東風亂紅過雨應千點
新綠含烟自一叢曲水無觴娛島上遠山似笏拱簾中

子規歲歲啼成血不道勞人太轉蓬

春晚

芳洲春晚徧蘼蕪一抹烟光挂綠圖好鳥弄晴聲劇膩
野花催煖氣流蘇中年豪舉還多少來日佳游定有無
可惜豔陽閒謝却祇應吾道在江湖

重過桃渚

一棹天台依舊迷重來秋爽足攀躋苔衣糝糝髻偏美
石磴鱗鱗齒未齊夢到赤城霞氣近感深滄海水聲低
臨流空作桃花想恨殺仙源是武溪

復屯林門

十年兵甲滿滄洲此日迴戈又上游人去鹿場仍舊蹟

秋高鰕浦足晨羞空山餓犬聲如豹失路窮黎狀似鳩
自笑經營何太拙誤將島嶼作并州

中秋有懷

去年拾桂英山裏今夕浮槎漲海中關塞每憐鴻雁影
江湖應悵鯉魚風金甌玉露原無異躍馬乘舟已不同
明月當前人在側持螯把盞莫辭從

歲暮得蔣馭鴻信兼見其新製寄贈

蔣舊授御史今入道

海嶠多雲入歲除遠從茗水下雙魚少微慘淡愁無賴
中散蕭疎調有餘仙舄不妨神武外法冠何似惠文初
鑑湖珠樹今安在黃鶴摩天未卜居

其二

梅花一寄起相思聞向江湖學采芝
吳市尚留仙尉跡青門何限故侯悲
鴻冥豈為飛揚倦驄度還應行步奇
獨怪樣來十二載只傳柱下五千辭

卜居

荒洲小築笑焚餘結構新茅再卜居
性僻故貪鷗鷺侶地偏猶逼虎狼墟
寒蘆瑟瑟秋張樂宿火熒熒夜讀書
正憶普天方左袵此身那得混樵漁

步韻和曹雲霖浯島秋懷

荒烟殘燒越玉臺憶昔雄圖今倍哀
丹葉三秋何事老翠華六詔幾時迴
纔從鷺島懷人遠忽得魚書對客開
詩律邇來知漸細高吟低唱且徘徊

其二

天長地闊總傷秋，閨嶠寒雲路更幽。
戴漢節旄空自落，強吳薪膽向誰謀。
百年形勝留天塹，一望風烟達帝溝。
堪笑魚龍還寂寂，祇餘陵樹鎖江流。

島上祀竈

絕島寒宵亦薦陰，聊從越俗祀非淫。
曾聞五祭尊盆盎，却憶西歸賦釜鬻。
老婦倘能來絳節，少君空說致黃金。
只憐漢臘無多地，柏葉梅花自古今。

辛丑元旦清厓十八年矣

辛丑

春回島嶼海天波，紫閨其如赤伏何。
晉室新書題甲子，周家舊曆紀共和。
金沙日暖朝迴輦，玉壘雲閒夜止戈。

聞王師出滇聞說今年莽臘盡椒花頌裏雜饒歌

送黎大行南訪行在

誰登仙嶠問皇輿十載驚傳典象胥英蕩難歸萬里節
輜軒徒積百蠻書越人翡翠應無恙漢使葡萄總不如
惆悵五雲橫焚道看君却上指南車

見友人詠懷詩有感依韻和之

梨花春雨半含秋太息當年桑下謀國事幾番真似弈
人情到處盡如鈞金雞雲樹空瞻闕石馬風榛自滿邱
未必策勲先上賞綿山一過汗應流

其二

漫從李野定陽秋霸略誰堪孫仲謀末路行藏闕漢鼎

中朝興廢仗吳鉤，杜鵑影重迷荒徑。謝豹聲多恨故邱。
此日河山猶破碎，敢言江左有名流。

春島霧雨次壁間舊韻

輕寒二月恰春陰，蒼霧青嵐苦滯淫。客至梅初滿，
官貧柏子尚充簪。櫻桃紅暈枝枝玉，楊柳黃疎樹樹金。
笑語東風何惡薄，獨遲芳草到於今。

雨中寒甚再疊前韻

浮雲何意結層陰，海氣朝來越浸淫。誰解催花能節鼓，
豈逢寒食欲懸鶩。春衣龍襪還如鐵，島樹槎枒轉似金。
可是大荒猶殺運，難將變理佐當今。

維揚姜張二友浮海來訪賦贈

廣陵春擁雪濤來萬里江聲亦壯哉忽訝龍文臨越嶠
何須駿價起燕臺陰符欲捲滄溟闊借箸能令瘴癘開
帝室只今還卜臘飛熊好待後車回

偽庭即事

頻年長秋掃黃圖此日狼星斂角無石矢未曾賓肅慎
金人猶自祭休屠雖然下殿當天象可復穹廬滿帝都
獨笑中華皆婦孺幾回膜拜捧胡雛

春暮悵然有作

蕭條春事又今年島樹江蘼最可憐悲至淚因孤燕下
閒來魂在杜鵑前雄圖誰復能窺足雌節何如且息肩
記得古人曾化杖鄧林孤影亦參天

輓董天鑑孝廉

三策天人罷董生誰憐日馭已西傾遊從麋鹿身將隱
識應龍蛇意未平晉代猶留靖節諡漢家原重孝廉名
即看墓石封題處尚有賢書是大明

其二

入洛衣冠江左餘逋臣肯復待公車風雲早冷三鱣兆
日月長懸五馬居諱康輓史結客黃金良不易修文白
玉竟何如茂陵今日皆禾黍遺草空留封禪書

得徐閣公書為之喟然

長看北極望南陽傾日依風總渺茫愁過魏牟還戀闕
病同莊舄肯投荒應憐牛酒遲江左莫道魚鹽羨海王

倘去三山須問訊君家徐市在何方

愁心

一水秋明繞萬山愁心似水轉相關虬髯定擬浮家去
雁足虛傳屬國還聲入鼓鼙龍自關夢回砧杵鶴難攀
平原一旅真孤掌可有天戈靈武間

寄張書紳時聞在越

雁到寒沙一片秋聞君猶作下邳遊江山雄視渾綿最
湖海輕裝只蒯緱醉後諫書多逐客愁中詩史盡離憂
赤城霞氣今依舊何必衣冠禹穴求

莫指

莫指招搖望泰階小戎同澤已難諧三山波浪靈鼇跡

半壁烽烟祖逖懷紀事可能無鐵匣班師豈復有金牌
皇天倘識匡扶義萬古臣靡獨我儕

南國

雲肥大澤正高秋南國旌旄何處留良會偶逢偏易失
好音頻致恐終浮海中似有金銀闕城外曾無麟鳳洲
祇惜漢家懸異數每將白馬誓王侯

黎大行瀕行以逢窮為恨賦詩見示仍用前韻報
之

柳色河橋弄晚陰臨歧攀折思偏淫乍來紫氣原千斗
此去皇華為漑鷺殿上未歸和氏璧橐中誰賜陸生金
飄零莫漫愁書劍六傳平驅正在今

三月十九日有感甲申之變

燕山春老泣啼鵑屈指號弓十八年闕里麟遊書莫載
橋陵龍逝鼎仍遷玉衣晨舉黃塵染銅狄秋眠碧血捐
欲賦黍離何限恨依稀風雨故宮前

其二

當年羣盜滿長安倉卒宮車棄百官旗散黃龍爭解甲
桁虛朱雀罷鳴鑾攀髯猶惜鬚眉少壓紐空悲羽翼單
獨使至尊殉社稷千秋青史未曾寬

其三

漢家天仗肅仙班一擲金椎不復還首蓓祇肥秦塞外
櫻桃誰薦晉陵間魂招蜀望花同碧淚染姚華竹盡斑

何處旌旗皆素素好傳露布到陰山

除夕行營沙關

十年三度到閩關風急星迴客未還
臘總來殊越絕屠蘇那得破愁顏
春符競貼黃龍榜新厓虛銜丹鳳班
悵望故山雲物改歸心不斷歲時閒

元旦軍次仍行祝聖之禮

壬寅

蒼輅青旗不可望海隅猶得奉冠裳
吹塵夢逐條風遠思漢情隨旭日長
萬里越人迷貢朔時滇黔陷百年真
主闕當陽也知報國心無補願續春王正月章

得故人書至自臺灣

炎洲東望伏波船海燕銜來五色牋
聞有象耘芝述地

愁無雁度荻蘆天。息機可是逋臣意。棄杖誰應夸父憐。
只恐幼安肥遯老。蓼牀阜帽亦徒然。

其二

杞憂天墜屬誰支。九鼎如何繫一絲。鼇柱斷來新氣象。
蜃樓留得漢威儀。故人尚感蹇裳夢。老馬難忘伏櫪時。
寄語避秦島上客。衣冠黃綺總堪疑。

元宵舟次步賓從韻得魚字

春濤擁艦儼宸居。雪舞風迴寒滿裾。簫鼓浮空停曉箭。
樓臺幻景隱仙輿。帳中絕少傳柑宴。幕下偏能倚馬書。
共道六鼇來海上。如何照夜只鯨魚。

驚聞行在之變。正值虜廷逮余親屬。痛念家國何

能己已

自分孤臣九死應國仇家難轉相仍埋名恨不同梅尉
誓旅知非擬駱丞芳草王孫歸莫望蒼梧帝子去無憑
枕戈此日將何待仰視浮雲一拊膺

和中峯韻題友人畫像

息

一泓秋水剪瞳神紺髮纁纁看逼真冰雪總明林下客
烟霞色相畫中人騷魂取次宜呵凍道貌由來欲避塵
却笑化工難免俗半留綺語到陽春

傳聞閩島近事

南荒烟嶂百蠻天別有山川紀漢年伏鉞每勞紆鎖鑰
降幡何事閃樓船似聞徐偃軍皆散豈意田橫客未捐

四海總憑孤劍在紫霓應傍斗牛躔

感懷兼悼平王

擬將威斗却居延捧讀珠槃事渺然龍闕幾人開貝闕
鶴歸何處問芝田引弓候月爭相賀挂劍寒雲祇自憐
想到赤符重耀日九還還起聽鈞天

愁思

楓落殘江秋漸橫楚臣芟製正寒生晚香愛插黃金菊
倚醉思調白玉笙風急鼉鼙吹浪走雲高鵬鷃望空行
欲知我獨淹留意露掌西京無限情

喜從弟至兼寄中表

元雲蕭瑟望鄉臺雪影霜聲雁自哀消息鴿原家難後

行藏蜚市國仇來孤蹤橫被黃金笑晚節爭禁白髮猜
回首故園華萼冷誰知三徑總蒿萊

張書紳與范子瞻論余十餘年來戎馬勞苦孤危
以詩見贈讀之悵然因次其韻

屈指浮生四十強驚魂歧路總堪傷河山蕭瑟平原幟
江海滄茫下瀨航國破龍蛇都失穴時危狼狽每依牆
盟壇今日誰雄長敢說邢茅亦雁行

其二

相業侯封非我望伯圖王業向誰論可憐節在旄全落
獨恨交亡劍尚存上客攝衣空有缺孤軍裹甲已無禪
也知戈朽難回日誓死何妨絕影奔

次韻酬林荔望

日月天南賦五雲家亡國破友朋分廿年血淚枯崖島
三度孤師哭宋文力竭臣靡難復夏聲哀望帝痛思君
西臺幸有同仇侶媿殺投繯終少軍

元旦甲辰

江花島樹影參差海日晴開萬象時正朔應非堯甲子
孤軍猶是漢威儀真人白水何年事故老青山幾處詩
雲物機祥誰定得且憑玉曆辨華夷

悲憤

越裳行闕復為烽痛哭數天左袒空結約更無燕太子
匡扶那得竇周公祚移雲夢誰收燼勢在微盧亦伏戎

豈是十旬還帝醉故教三日借神叢

其二

漢家磐石重天宗奕葉金枝並剪桐入塞烏孫驕射日
開基赤帝冷歌風虛傳馬渡江臯外尚憶龍潛海嶠中
却望絳衣愁不見春陵夜夜氣成虹

奇零草七目次

張忠烈公集卷十

五言絕句

海月

夜泛

舟行望野燒

上巳舟中

讀史

七言絕句

招趙友飲禪院

過仙洞訪石田出荔支為供

七夕前十日贈人合盃

其二

舟行阻風口號

其二

晚泊漫成迴文

讀史

其二

野人餉菊有感

其二

其三

其四

經烏江

其二

樅陽謠

其二

黃湓謠

其二

鹿走勿逐自復戲成

寄遠

和秦淮難女宋蕙湘旅壁韻

贈東山子端陽禱雨有應

其二

其三

旅愁

卜天種畫寢戲成

雜感

其二

其三

詩餘

柳稍青

長相思中夜聞箏

前調

前調秋

滿江紅

前調懷岳忠武

奇零草七目次

奇零草七

張忠烈公集卷十

皇朝賜諡忠烈明經理恢勦機務察視浙直水陸兵馬兼理糧餉兵部尚書兼東閣大學士鄭張煌言撰

五言絕句

海月

海嶠看明月蒼茫練影多不知鄉國夜皓魄復如何
夜泛

秋雲何淡淡影入夜波清倒作銀河看依然星斗橫
舟行望野燒

朔氣偏蕭瑟千山落木聲征帆殘燒外隱隱見孤城
上巳舟中

不解芳菲節人傳上巳時何須修禊事早是弄潮兒

讀史

故人即非寒使者殊不薄交滿天地間綈袍何落莫
七言絕句

招趙友飲禪院

清酒今朝買百壺擬邀嘉客醉屠蘇玉山倒處人爭看
可有連城一壁無

過仙洞訪石田出荔支為供

丹囊朱纈亂垂垂壁上蓮生總不奇君自瞿曇我自客
相逢疑是嶺南時

七夕前十日贈人合卺

蘭湯浴罷不勝衣一曲菱歌百輶歸自是合歡憐子夜

玉山對倚照羅幃

其二

玉渦檀暈自生妍
綠幘青鞵正少年
恰是雙星銀漢渡
風流却占一旬前

舟行阻風口號

十載曾經犯斗槎
天門昨夜特宣麻
乘流只恐排閭闔
故遣長鯨鬪浪花

其二

勅水鞭潮勢自雄
此身原不畏蛟龍
明朝鷁首還東指
禁得誰搏萬里風

晚泊漫成迴文

寒潮晚落半江空
燒帶羣山亂映紅
殘角霜聲愁雁斷
難將送挂一帆風

讀史

秦鹿橫飛六國殘
孤鳴篝火亦登壇
留侯若也歸張楚
更有何人解報韓

其二

清秋蕭瑟井梧寒
在莒齊襄淚未乾
七十二城猶在望
却無舉火是田單

野人餉菊有感

戰罷秋風笑物華
野人偏自獻黃花
已看鐵骨經霜老
莫遣金心帶雨斜

其二

柴桑杯酒寄東籬
種菊書成在義熙
今日風光如昨否
殷勤且自把花枝

其三

嘗言愛菊耐霜威
晚節都甘與世違
只恐秋深容鬢改
幾人插得滿頭歸

其四

天寒萬木盡悲秋
誰殿羣芳闕未休
寄語黃花應努力
須知搖落有黃州

經烏江

楚歌聲裏霸圖空
匹馬歸來勢自雄
四百年餘炎火斷

誰知隆準一重瞳

其二

旌旗垓下亦堪翻
戰士其如憶故園
縱向江東收燼去
應無子弟到中原

縱陽謠

八尺風帆百丈牽
縱陽湖裏去如烟
江南米價秋來長
喜殺桐艚買稻船

其二

沿湖下網蕩湖船
網內纖鱗錦樣鮮
燈火湖邊兒女笑
魚秧種得不須田

黃湓謠

妾家生小住黃湓亂挽烏雲剗着禪九月魚腥湖上熟
自搖蘭槳過前村

其二

黃湓賈客百金裝湓口長年醉索郎聞說江干烽火急
停橈一曲古襄陽

鹿走勿逐自復戲成

失鹿何曾得鹿期重來豈獻牡丹枝墮中蕉葉原非夢
為待仙人夾穀隨

寄遠

寒燒荒原映夕烽海槎猶阻石尤風故園梅信今何似
可有鴻書雲外通

和秦淮難女宋蕙湘旅壁韻

獵火橫江鐵騎催六朝鎖鑰一時開
玉顏空作琵琶怨誰教明妃出塞來

贈東山子端陽禱雨有應

真覺星辰可換移端陽甯復亢陽時
幽風畫出田家樂續命何須臂上絲

其二

霹靂車中咒孽龍炎輪直欲掩靈窿
馬髮一滴濃雲黑失却榴花數樹紅

其三

繁露春秋說大雩誰憐五日欲無禱
杯中惟有樂巴酒

灑作千家攝水符

旅愁

故園花候又辛夷夢自惺忪涕自洩雁去燕來相笑語
何年客子是歸期

卜天種晝寢戲成

新秋蕭颯北窗涼一枕羲皇夢亦長試問漆園蝴蝶影
可曾逆旅鬧黃梁

雜感

越國年年教習流朱旗予甲自沈浮歲星不識今何在
依舊櫓檣挂斗牛

其二

即看江鳥盡流離精衛何曾借一枝最恨蹀林秋祭後
天驕猶自灼羊脾

其三

平林疇昔富梧桐聞說樵蘇樹已童華表亦含千載恨
空傳鶴夢到江東

詩餘

柳稍青

錦樣江山何人壞了雨瘴烟蠻故苑鶯花舊家燕子一
例闌珊此身付與天頑休更問秦關漢關白髮鏡中
青萍匣裏和淚相看

長相思中夜聞箏

炙鳳笙調鴻箏弄入陽關第幾情銅壺滴漏明一更
更一星星都是商聲與羽聲離人不忍聽

前調

品瑤笙按銀箏換羽移宮無限情秋天不肯明幾更
更幾星星半是商聲與徵聲羈人和夢聽

前調秋

秋山青秋水明午夢驚秋醒未醒乾坤一草亭故國
盟故園情夜闌斜月透疎櫺孤鴻三兩聲

滿江紅

蕭瑟風雲埋沒盡英雄本色最髮指駝酥羊駝故宮舊
闕青山未築祁連冢滄海猶銜精衛石又誰知鐵馬也

郎當琬弓折 誰討賊顏卿
檄誰抗虜蘇卿節
拚三台墜紫九京
藏碧燕語呢喃
新舊雨雁聲嘹唳
興亡月怕他年西臺慟
哭人淚成血

前調懷岳忠武

屈指興亡恨南北
黃圖銷歇便幾個
孤忠大義冰清玉
烈趙信城邊羌笛
雨李陵臺畔胡笳
月參模糊吹出玉
關情聲淒切 漢宮
露梁園雪雙龍逝
一鴻滅贖逋臣怒
擊唾壺皆缺豪傑
氣吞白鳳髓高懷
肯飲黃羊血試排
雲待把捧日心訴
金闕

奇零草七

采薇吟目次

張忠烈公集卷十一

五言古詩

山中屢空泊如也偶讀淵明飢驅句猶覺其未介
遂作反乞食詩仍用其韻

其二

其三

儼古

其二

其三

懷古

被執歸故里

七言古詩

懷王愧兩少司馬徐闇公沈復齋中丞
聞孤鳥有感

放歌

五言律詩

入山

清音

林中漫興

其二

小猿畜之兩年以病抱樹而死為之惻然

灑血

其二

其三

其四

七言律詩

山中初度漫咏同羅子木來韻

時年四十五

其二

其三

其四

清秋憶從弟嘉言

山中七夕限廉韻

其二

疊七夕前韻

有所思

其二

七月十七日被執進定海關

八月辭故里

其二

坐次聞樂有感

九月獄中感懷

其二

其三

答趙總督廷臣

其二

五言絕句

山居即景

其二

其三

其四

絕命詞

七言絕句

溪行

其二

建夷宮詞

其二

其三

其四

其五

其六

其七

其八

其九

其十

憶西湖

宿官亭

采薇吟目次

采薇吟

自註起甲辰六月

張忠烈公集卷十一

皇朝賜諡忠烈明贊理恢勦機務察視浙直水陸兵馬兼理糧餉兵部尚書兼東閣大學士鄧張煌言撰

五言古詩

山中屢空泊如也偶讀淵明飢驅句猶覺其未介
遂作反乞食詩仍用其韻

悲風變陵谷余行將安之浩然懷黃綺燧燧紫芝詞清
聲泐金石孤情獨往來彭澤何人斯東籬應酒杯微祿
已不耽沾沾乞食詩乞時固自有意可以觀其才吾則
愛吾鼎白雲倘分貽

其二

西山有餓夫褰裳欲就之或言舉世腴君癯甯有詞流

水淡須眉天真所由來況也朝市改志士寡深杯療飢
託藜藿甯識招隱詩今古多肉食誰為天下才珍重墨
胎氏靈龜幸見貽

其三

三旬九遇食我聞古有之不貪以為寶無受亦無辭奈
何饕餮者朵頤鼎鼎來乞哀在暮夜餘羹僅一杯斟酌
既飽滿猶吟和陶詩緬維珠樹鶴清高未易才芝田良
足耕嘉禾聊自貽

擬古

百蟲恆鳴秋百鳥恆鳴夏人生百歲閒炎涼倏代謝常
憂時命乖榮名不相借時命亦何常經綸貴權藉所志

豈榮名擔負庸可卸感此摧中腸擘衣起視夜高天明
月輝瀾漫繁星舍願言照微襟幽懷得暫暇

其二

蕭蕭巖畔竹亭亭澗底松植根非不高孤峭慮難容骨
肉緣枝葉分飛類轉蓬非闕恩義薄根株良不同越鳥
栖南枝代馬立朔風藐焉長惻悵道阻誰適從

其三

晦明本如穀日日相推移寒暄亦如環歲歲迭乘除白
雲從西來告我商秋期林皋色慘淡蛩聲哀以思昔也
苦炎威今含搖落悲天地始肅殺草木詎能違百卉倏
委靡甯復豔陽時猶識持晚節獨有凌霜枝寄言桃李

子慎勿恃芳菲

懷古

憶昔東陵侯浮沈在青門種瓜皆五色不肯負亡秦故
侯何足道羞與世間羣及為文終客教以報功勲似得
黃老術知亡亦知存存亡會有時出處要有期借問五
色瓜何如三秀芝

被執歸故里

甲辰七月

蘇卿仗漢節十九歲華遷管甯客遼東亦閱十九年還
朝千古事歸國一身全余獨生不辰家國兩荒烟飄零
近廿載仰止愧前賢豈意避秦人翻作楚囚憐蒙頭來
故里城郭尚依然彷彿丁令威魂歸華表巔有覩此面

目難為父老言知者哀其辱愚者笑其顛或有賢達士
謂此勝錦旋人生七尺軀百歲豈復延所貴一寸丹可
踰金石堅求仁而得仁抑又何怨焉

七言古詩

懷王愧兩少司馬徐闇公沈復齋中丞

我昔曾上嘉禾島島上衣冠多四皓方瞳綠鬢映蒼髯
紫芝一曲何縹緲年來滄海欲生塵烟烽亂轟商山道
杖履流落似長星天長地濶令人老南望銅陵又一山
風飄千尺鯨波閒不然擬乘黃鶴去去去麟洲不復還
聞孤鳥有感

孤鳥孤鳥聲悵悵風雨中宵我心惻似聞鳥言生不辰

空山寥落無顏色在昔雄飛向九宵金眸玉爪行胸臆
巢雲曾傍萬年枝擊水甯須六月息風雲蹉跌幾星霜
宛轉枋榆困枳棘東門鐘鼓為誰觴北海木石徒爾塞
杜宇漫語不如歸鷓鴣疾呼行不得予口卒瘁予尾脩
却來山阿欲避弋一飲一啄孰將雛雙宿雙飛誰比翼
寒枝獨抱月黃昏島樹蒼茫林影黑橫絕四海會有期
敢告羈雌還努力嗟乎此鳥亦非凡鸞歌鳳舞疇能識
但看孤鳥伴孤臣悠悠蒼天曷有極

放歌

甲辰八月武
林縣室書壁

吁嗟乎滄海揚塵兮日月盲神州陸沈兮陸谷崩藐孤
軍之屹立兮呼癸呼庚予憫此予遺兮遂息機而寢兵

方壺圓嶠兮聊稅駕以薶名神龍魚腹兮罹此豫且之
罾予生則中華兮死則大明寸丹為重兮七尺為輕維
彼文山兮亦羈紲於燕京黃冠故鄉兮非予心之所馨
欲慷慨而自裁兮既束縛而嚴更學謝公以絕粒兮奈
羣喙之相并等鴻毛於一擲兮何難談笑而委形憶唐
臣之齧齒兮視鼎鑊其猶冰念先人之踐土兮愧忠孝
之無成翳嗣子之牢籠兮痛宗祀之云傾已矣夫荀瓊
謝玉兮亦有時而凋零予之浩氣兮化為風霆予之精
魂兮變為日星尚足留綱常於萬祀兮垂節義於千齡
夫何分孰為國祚兮孰為家聲歌以言志兮肯浮馨乎
箕子之貞若以擬乎正氣兮或無愧乎先生

五言律詩

入山

大隱從茲始悠然見古心地非關勝覽天不礙幽尋石
髮溪頭長雲衣谷口深此中有佳趣好作采薇吟

清音

倚杖緣天中清音自不窮鶯枝傳古調蟬翼散元風谷
響丁丁發溪聲曲曲通由來塵夢斷遮莫是心空

林中漫興

幽棲得玄理雙屐轉從容渴澗捫龍乳荒溪採鹿茸振
衣空翠襲擁樹蔚藍封不識鴻濛外蒼嵐更幾重

其二

選勝非吾意長林一送窮天供青玉案人生碧紗籠道
貌山癯似機心海鶴空獨嫌遺世晚所以避龐公

小猿畜之兩年以病抱樹而死為之惻然

升木何須教奔林豈為驚胡然櫻一疾不復聽三聲腸
斷巫山暗魂歸楚水明爭如孫供奉能報主人情

灑血

灑血今何地紅殷銅漢冠雲臺圖畫杳雪窖夢魂寬豈
望黃羊乳今勞白玉餐廣陵有絕操琴碎不堪彈

其二

文山不柴市故里一黃冠此意誰非屈何人肯自寬羽
微難石隱舌在任刀餐今古綱常事因吾好細彈

其三

曾聞古俠士相送白衣冠
生死關原重興亡安肯寬
空思借甯索誰復報吳餐
羞殺無長鉞從今莫浪彈

其四

乾坤竟如此刺眼盡猴冠
射昴天方醉騎箕地較寬
難中慚館穀夢裏憶堂餐
一笑甘兵解何曾有淚彈

七言律詩

山中初度漫咏同羅子木來韻

時年四十有五

曾向洪崖乞大還
劫來烟火混人間
幾回擲劍橫青海
一笑攜瓢卧碧山
煮石應難消俠氣
劇苓尚欲補顏顏
峰頭紫色朝如蓋
為問猶龍可度關

其二

賦罷初衣未許還伊人宛在翠微間幸無白望粉榆社
可有丹名桐柏山種邁麟麟徒掩淚夢回蝴蝶且開顏
樽前莫論浮雲態回首風塵滿漢關

其三

日轡崦嵫去不還客星慘淡五雲間自非和扁難醫國
誰似巢由易買山百谷烟霞憐馬齒二陵風雨識龍顏
桑弧半老成何事只合壺天獨掩關

其四

倦飛兮鶴亦知還白石蒼苔咫尺間車馬自然多易水
衣冠原只在商山雲漿夜酌金人掌黛色朝披玉女顏

已覺閒身堪羽化何須八翼夢天關

清秋憶從弟嘉言

秋聲蕭瑟到空山悵望驚鴻去不還
離別紫荆生死際平安黃犬有無閒
寒蛩續月思千里孤鶴巢雲影半關
多少長林搖落態獨憐愁緒未能刪

山中七夕限廉韻

青山詩思入秋添愁對雙星韻漫拈
紉扇自來驚少昊雲輶何處御飛廉
七襄枉乞天孫巧五緯虛傳漢使占
要識太清塵穢淨莫將河鼓擬香奩

其二

清秋一暈挂涼蟾渺渺銀潢天漢淹
烏鵲橋成誰問渡

姮娥宮近倘生嫌
冰機爭似雲情薄
金掌依然露氣廉
却笑兒童偏解事
排瓜擲果向鉤簾

疊七夕前韻

斜風斜月正纖纖
買得秋光價亦廉
繡幕何人愁遠望
綵幡今夕喜重瞻
星前錦似千純麗
雲外香來百和兼
明日內家應看巧
朱絲金盒共誰覘

有所思

堯封禹貢幾滄桑
海外何當有大荒
銜燭地維留野鹿
採香人亦類文狼
空將漢法頒司隸
獨少周原紀職方
寄語居夷諸將帥
秋風萬里待歸航

其二

天星歲歲在餘皇一去延津劍渺茫最誤文皮色甲冑
漫誇弁服奉冠裳望鄉臺上分羹冷建業城邊遺鏃黃
閩嶠至今皆蔓草不知三矢有誰囊

七月十七日被執進定海關

何事孤臣竟息機魯戈不進挽斜暉到來晚節慚松柏
此去餘生斷蕨薇雙鬢難容五岳住一帆仍向十洲歸
疊山遲死文山早青史他年任是非

八月辭故里假絕命詞

解自新

義職縱橫二十年豈知閨位在于闐桐江空繫嚴光釣
震澤難回范蠡船生比鴻毛猶負國死留碧血欲支天
忠貞自是孤臣事敢望千秋信史傳

其二

國亡家破欲何之
西子湖頭有我師
日月雙懸于氏墓
乾坤半壁岳家祠
慚將素手分三席
擬為丹心借一枝
他日素車東浙路
怒濤豈必盡鴟夷

坐次聞樂有感

時被執名節

一曲銅鞮足繞梁
主賓相對不尋常
莫言簫鼓非愁壘
豈信圜牆是福堂
唱罷秦音誰避席
感深凝碧且停觴
請君休訝河清笑
司馬於今正斷腸

九月獄中感懷

口碑載道似還非
誰識蹉跎心事違
既熟熊蹯甯復待
縱生馬角竟安歸
綸巾中原當蘇卿
節蒿帔依然晉代衣

得與墨胎相把臂九原應不恨知希

其二

羈縻斗室尚何為慷慨從容我亦疑豈是殷頑能革面
縱然漢厄莫低眉韞鷹躑躅誰堪語鍛鳳躊躇祇自知
漫道故人多玉碎蓋棺論定未嫌遲

其三

棘林宛轉盡鍼氈便擬寒灰豈易然空有沈湖魂黯黯
幸無入洛影翩翩鸞刀欲下何須挽雁帛當頭不用傳
惆悵寸陰真似歲小樓爭繫坐三年

答趙總督廷臣

不堪百折弔孤臣四顧蒼茫九死身誰挽龍髯空負鼎

姑留螳臂強當輪謀同曹社非無鬼哭向秦廷那有人
敢是天府重閨位黃芸白草未曾春

其二

揶揄一息尚圖存吞炭吞瓊可共論敢望臣靡興夏祀
祇憑帝鑒答商孫衣冠獨帶雲霞色旂旆仍懸日月痕
贏得孤臣同碩果也留正氣在乾坤

五言絕句

山居即景

結茅在山椒曲曲皆叢薄獨坐微涼生高情欲采綠

其二

平楚殊蒼莽衆峯亦窈窕清風來撲人引我發長嘯

其三

清空不可極俯視但雲光衆妙合其中疑為天地房

其四

朝光來窺牀樹影綴羅帳推枕一婆娑天然淡墨幃

絕命詞

我年適五九偏逢九月七大厦已不支成仁萬事畢

七言絕句

溪行

扶筇到處見山晴峯色溪光次第迎滿徑莓苔人語靜
畫眉宛轉兩三聲

其二

小立寒林意獨醒
清泉石竇自泠泠
撥雲更望前溪去
樹底飛來一片青

建夷宮詞

平明供奉入彤幃
亦舞霓裳唱羽衣
千騎驂驛知侍獵
揮鞭馳道擁明妃

其二

盤龍小袖稱身裁
馬上雕弓抱月開
太液池邊金彈落
疑從紫塞射雕來

其三

毳殿春寒乳酪香
近臣偏得賜新嘗
老璫不解駝酥味
猶道天廚舊蔗漿

其四

弓靴椎髻儼天魔胡女宮粧新樣多
醉捧官家還笑問燕支山色近如何

其五

朝罷瞿曇次第迎內廷深處說無生
不知鸚鵡能胡語偷向金籠誦佛名

其六

十部梨園奏尚方穹廬天子亦登場
纏頭豈惜千金賞學得吳歌進一觴

其七

上壽觴為合卺尊慈甯宮裏爛盈門
春官昨進新儀注

大禮恭逢太后婚

其八

掖庭猶說冊關氏妙選嬪閨作母儀椒寢夢回雲雨散
錯將蝦子作龍兒

其九

六曹章奏委如雲特敕新書翻譯聞笑殺鍾王空妙筆
而今鳥跡是同文

其十

玉几憑來顧命新負宸闡道有家臣從今賄却鑽刀呪
不信華人信滿人

憶西湖

甲辰八月

夢裏相逢西子湖誰知夢醒却模糊高墳武穆連忠肅
參得新墳一座無

宿官亭

甲辰八月

漫道詩書價未償滿身枷鎖夢魂香可憐今夜官亭月
無數清光委路傍

采薇吟